



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Epistel odder vntter-||richt von den heyiligen/ an die ||
kirch tzu Erffurdt ynn || gott verßamlet.||**

Luther, Martin

Erffurdt, [1522?]

VD16 L 4573

Kolophon

urn:nbn:de:hbz:466:1-32152

seyne munde lobtet.

Es sind etliche prediger/ die meynen/ sye mügen nicht prediger seyn/ wo sie nicht etwas mehr denn Christum vnd vber vnser prediget/ leren. Das sind die ehrgirige sonderlinge/ dye vnser eynfeltigkeyt lassen/ vnd faren daher ynn sonderlicher weyßheyte. das man sie mitt augen werffen solle/ vnd sagen/ das yst eyn prediger. Solche sollte man gen Aethen senden/ da man alltag newe ding hören wolt/ Sie suchen yre ehre/ vnd nicht Christi. Dumb wyrdt yhr ende auch mit schanden auß geben.

Hutt euch fur den selben/ vnd bleybt mit Paulo/ der nichts wissen wolle/ denn Ihesum Christum den gezeugigten/ Ich soige auch/ das vnser schuldt viel zu allem vbel helffe/ Das wyrdt viel predigen/ wie onn gottis gnade wyrdt nichts thun mögen/ vnd wir doch allerley selbs anfahen/ vñ schaffen wolle/ ehe wyrdt gott mit demütigem gepett ersuchenn / das ers anfahet vnd schaffe/ durch seynen geyst. So gehet es den/ das wyrdt ynn Egypten faren/ vñ fahen das wircken an durch eygen geyst/ vñ fragen seynen mund nicht zuuor dumb. Darumb meyn liebste/ wie wyrdt leren/ so last vns auch thun/ das wyrdt alles gott heymstellen/ vnd on vnterlass bitten/ das her vns regiere/ er vns radte vnd helffe/ beyde ynn grossen vnd kleynen sachen/ vñ nicht gestatte/ das wyrdt auß vnserm guttdunckel/ vñ vernunfft ee/ was anfahenn. Denn das wyrdt keyn gluck habenn/ noch gotte gefallen mügen. Aber vnser herr Ihesus Christus sterck euch sampt vns/ ynn aller fulle seyners selbs erkentniß zu ehren seynem vñ vnserm vater/ der gebenedeyet sey ynn ewickeyt Amen. Grüßet Johannem Lange/ Georgium Vorheim/ Johannem Culsamer/ Antonium Nusam/ Egidium Nechlerum/ Petrum Bamberger/ sampt allen ewern. Er grüßet euch Philippus/ vnd Jonas/ vñ alle die vnsern. Gottis gnade sey mit euch allen. Amen. Wittenberge am gehenden tag des Junmonds. 1522.

Gedruckt zu Erfurdt zum
Schwarzen Horn.